



## CONSTRUCCIONES Y AUXILIAR DE FERROCARRILES, SA (CAF)

### Ohiko Batzar Nagusirako deialdia

Construcciones y Auxiliar de Ferrocarriles SA (“CAF”CAF” edo “Sozietatea”) enpresako Administrazio Kontseiluak adostutakoaren arabera, akziodun jaun-andreei Ohiko Batzar Nagusirako deialdia egin zaie. Aipatutako Batzarra bide telematiko bidez bakarrik egingo da 2021eko ekainaren 5ean egingo da, 12:00etan, lehen deialdian, eta dagokionean, bigarren deialdian, hurrengo egunean, toki eta ordu berebean, jarraian azaltzen den gai-zerrendako gaiei buruzko gogoeta egiteko eta erabakiak hartzeko asmoz.

COVID-19aren pandemiari erantzuna emanez enpresa-kaudimenari laguntza emateko ezohiko neurriak biltzen dituen 2021eko martxoaren 12ko 5/2021 Errege Lege Dekretuko amaierako zortzigarren xedapenak eta zerga arloko araudiak ezarritakoa betez, Administrazio Kontseiluak adostu du **Batzarra modu telematikoan bakarrik egingo dela; hau da, akziodunak edo haien ordezkariak modu fisikoan bertaratu gabe.** Aipatutako Errege Lege Dekretuak enpresa-kaudimenari eta energia sektoreari babesa emateko presazko neurriak jasotzen dituen 2020ko azaroaren 17ko 34/2020 Errege Lege Dekretuko 3. artikulua aldarazi du. Horren ondorioz, akziodunek eta haien ordezkariak bertaratzeko eskubidea erabili ahal izango dute Batzarra egingo den tokiarekin denbora errealean konektatzea ahalbidetzen duten bitarteko telematikoak deialdi honetan aurrez ikusitako baldintzen arabera erabilita. Era berean, horrek ez du eragotziko Batzarraren aurretik urrunetik komunikazio-bitartekoen bidez haien botoa emateko eta ordezkariak eskuordetzeko duten aukera. Administrazio Kontseiluko kideek audiokonferentzia edo bideokonferentzia bidez parte hartu ahal izango dute bileran, eta Batzarraren presidentea edozein tokitan egonda ere, egoitza sozialean egin dela ulertuko da.

### GAI ZERRENDA

**Lehenengoa:** Construcciones y Auxiliar de Ferrocarriles SAren 2020ko ekitaldiari dagokion urteko kontuak eta kudeaketa-txostena, sozietateen talde bateratuko urteko kontuak eta kudeaketa-txostena, eta Administrazio Kontseiluaren kudeaketa-txostena aztertzea eta, dagokionean, onartzea.

**Bigarrena:** 2020ko ekitaldiari dagokion finantza arlokoa ez den informazio-egoera bateratua onartzea.

**Hirugarrena:** 2020ko ekitaldiari dagokion emaitza aplikatzeko proposamena onartzea.

**Laugarrena:** Julián Gracia Palacín jauna kontseilari independente gisa berriro aukeratzea.

**Bosgarrena:** Estatutu Sozialak aldatzea:

5.1. Estatutu Sozialetak 21, 22 bis, 26 eta 27 artikulua aldatzea eta horietan 22 ter artikulua berria gehitzea, Batzarrerako asistentzia telematikoaren araudia

Kapitaleko Sozietateen Legeak txertatu dituen berrikuntzen arabera egokitu ahal izateko.

5.2. 22 quater artikulua gehitzea Estatutu Sozialetan batzarrak modu telematikoan bakarrik egiteko aukera txertatzeko asmoz, Kapitaleko Sozietateen Legean txertatutako berrikuntzek ezarritakoa betez.

5.3. Estatutu Sozialetako 13, 34, 37 bis eta 40 artikulua aldatzea Batzar Nagusiaren, Administrazio Kontseiluaren eta Auditoria Batzordearen ahalmen eta betebeharrekin lotuta. Aldaketa horien helburu nagusia da Kapitaleko Sozietateen Legean lotutako eragiketei eta finantza arlokoa ez den informazioari dagokienez txertatutako berrikuntzetara egokitzea.

5.4. Estatutu Sozialetako 39. artikulua aldatzea Administrazio Kontseiluaren ordainsariarekin lotutako edukia eguneratu ahal izateko.

5.5. Estatutu Sozialetako 14, 23, 31 eta 32 artikulua aldatzea gobernu onaren gomendioak eta hobekuntza teknikoak txertatu ahal izateko. Horiek guztiak, besteak beste, Batzar Nagusiak eta Administrazio Kontseiluak akordioak adostearekin lotuta daude.

**Seigarrena:** Batzar Nagusiko Araudia aldatzea:

6.1. Gai-zerrendako 5.1 atalean jasota dagoen eta Batzarrak aztertu beharko duen akordioa onartuko balitz, Batzar Nagusiko Araudiko 8, 9, 9 bis, 11 eta 12 artikulua aldatzea eta 9 ter artikulua berria gehitzea aurreko 5.1 puntuan jasotako helburuarekin.

6.2. Gai-zerrendako 5.2 atalean jasota dagoen eta Batzarrak aztertu beharko duen akordioa onartuko balitz, Batzar Nagusiko Araudiko 14 eta 17 artikulua aldatzea eta 9 quater artikulua berria gehitzea aurreko 5.2 puntuan jasotako helburuarekin.

6.3. Gai-zerrendako 5.3 atalean jasota dagoen eta Batzarrak aztertu beharko duen akordioa onartuko balitz, Batzar Nagusiko Araudiko eta 4 artikulua aldatzea eta artikulua berria gehitzea aurreko 5.3 puntuan jasotako helburuarekin.

6.4. Gai-zerrendako 5.5 atalean jasota dagoen eta Batzarrak aztertu beharko duen akordioa onartuko balitz, Batzar Nagusiko Araudiko eta 3 artikulua aldatzea eta artikulua berria gehitzea aurreko 5.5 puntuan jasotako helburuarekin.

6.5. Batzar Nagusiko Araudiko 7 eta 16 artikulua aldatzea Kapitaleko Sozietateen Legean akzioetatik eratorritako eskubideekin lotuta txertatutako berrikuntzen arabera egokitzeko.

**Zazpigarrena:** Administrazio Kontseiluari baimena ematea Kapitaleko Sozietateen Legeko 297.1.b) artikulua xedatutakoa betez, kapital-gehikuntza egin dezan berak erabakitako aukeraren eta zenbatekoaren arabera bost urteko epean, baimena eman den unean duen kapital sozialaren erdira arte, behin edo gehiagotan, akzio berriak jaulkita. Era berean, Kapitaleko Sozietateen Legeko 506 artikulua xedatutakoaren arabera, adostu ditzakeen gehikuntzekin lotuta, lehentasunezko harpidetza-eskubideak baztertzeko aukera izatea, baimena eman den unean duen kapital sozialaren gehienez

ehuneko hogeiko zenbatekoagatik. Administrazio Kontseiluari emandako eskuordetzearen baliogabetzea, 2018ko ekainaren 2an egindako akziodunen Batzar Nagusiaren akordioaren arabera.

**Zortzigarrena:** 2020ko ekitaldiari dagokion kontseilarien ordainsariei buruzko urteko txostenaren gaineko kontsultarako bozketa.

**Bederatzigarrena:** Administrazio Kontseiluak 2020ko abenduaren 17an egindako saioan onartutako Kontseiluaren Araudiaren aldaketan gaineko informazioa.

**Hamargarrena:** Administrazio Kontseiluari eskumenak eskuordetzea aurreko akordioak formalizatzeko eta exekutatzeko.

**Hamaikagarrena:** Bilerako akta irakurtzea eta onartzea, egoki bada.

### **Informaziorako eskubidea**

Akziodun jaun-andreek informazioa jasotzeko eskubidea erabili ahal izango dute Batzarraren deialdia egiten den datatik hasita Kapitaleko Sozietateen Legeko 197. eta 520. artikuluetan eta iragarki honetan aurrez ikusitako baldintzen arabera.

Kapitaleko Sozietateen Legeko 272 eta 287 artikuluek eta bat datozen gainerako artikuluek xedatutakoaren arabera, deialdi-iragarpen honen argitalpenetik abiatuta, akziodunek Akziodunen Batzar Nagusiaren mende jarri behar den dokumentazio hau egoitza sozialean berehala eta doan eskuratzeko eta aztertzeko, edo doan bidal edo entrega diezaiotela eskatzeko eskubidea dute (943.18.92.62 telefono-zenbakiaren bidez edo posta elektronikoa honetan: [accionistas@caf.net](mailto:accionistas@caf.net)).

- Gai-zerrendako lehen, bigarren puntuei eta hirugarren dagokienez: 2020ko ekitaldiari dagozkion urteko kontuak (balantzea, galdu-irabazien kontua, ekitaldiaren ondare garbian izandako aldaketak islatzen dituen egoera, eskudirua fluxuen egoera eta memoria), Sozietatearen emaitzen aplikazio-proposamena, kudeaketa-txostena eta kontu-auditoreen txostena. CAF taldearen kontu bateratuei dagokienez, haien dokumentuak, Taldearen kudeaketa-txostena (horrek jasotzen du finantza arlokoa ez den informazio-egoera bateratua) eta auditoriaren txostena ere eskuratu ahal izango dituzte Talde barruko sozietateetako akziodunek.
- Gai-zerrendako bosgarren eta seigarren puntuei dagokienez: Administrazio Kontseiluaren justifikazio-txostena Estatutu Sozialen eta Sozietatearen Akziodunen Batzar Nagusiko Araudiaren aldaketan inguruan, baita proposatutako aldaketan testu osoa ere.
- Gai-zerrendako zazpigarren puntuari dagokionez: Gai-zerrenda honetan sartutako Batzordeko ordezkariaren proposamenaren inguruko Administrazio Kontseiluaren txostena, baita proposamen horretako testu osoa ere.

Aurreko dokumentu guztiak, eta Akziodunen Batzar Nagusiari dagokion gainerako informazioa, Sozietatearen webgunean ere kontsulta daitezke ([www.caf.net](http://www.caf.net)), osorik eta etenik gabe Batzar Nagusia egin arte eta, zehatzago honako hauek:

- Deialdi-iragarpen hau.

- Gai-zerrendako puntu bakoitzarekin lotuta Akziodunen Batzar Nagusiaren onarpena jasotzeko aurkeztuko diren akordio-proposamenen testu osoa.
- Gai-zerrendako laugarren puntuari dagokionez: Izendapenen eta Ordainketen Batzordea eta Administrazio Kontseiluaren justifikazio-txostena berriro aukeratzeko proposamena; horiek dute Akziodunen Batzar Nagusiari berrautatzeko proposatuko zaion kontseilariari buruzko informazioa; hau da: nortasuna, curriculum eta kategoria. Hala, proposatutako hautagaiaren gaitasuna, esperientzia eta merezimenduak baloratu dira.
- Gai-zerrendako zortzigarren puntuari dagokionez: 2020ko ekitaldiari dagokion Kontseilarien Ordainsariei buruzko Urteko Txostena, kontsultarako bozketa egiteko aurkeztu dena.
- Gai-zerrendako bederatzigarren puntuari dagokionez: Araudia aldatzearekin lotuta Administrazio Kontseiluak egindako txostena.
- Deialdiaren datan bozketarako eskubide eta akzio kopuru osoari buruzko informazioa.
- 2020ko ekitaldiari dagokion Gobernu Korporatiboaren Urteko Txostena.
- 2020ko ekitaldiari dagokion Auditorearen Independentziaren Txostena.
- 2020ko ekitaldiari dagokion Jasangarritasuneko Txostena.
- 2020ko ekitaldiari dagozkion Administrazio Kontseiluaren Batzordeen Funtzionamenduko Txostenak.
- Botoa eskuordetzeko eta urruneko botoa emateko formularioak.

Batzar Nagusirako deialdia argitaratzen den egunetik hasi eta Batzarra egiteko aurrez ikusitako aurreko bosgarren egunera arte, akziodunek beharrezkotzat jotako informazioak edo argibideak eska ditzakete Gai-zerrendan jasotako gaien inguruan, edo idatziz egin ditzakete egoki iruditutako galderak. Horrez gain, akziodunek administratzaileei idatziz eta epe beraren barruan edo, asistentzia telematikoaren kasuan, aurreraxeago zehaztuta datorren moduan, azken batzar nagusia egin zenetik Balore Merkatuaren Batzorde Nazionalari Sozietateak emandako eta publikoaren eskura dagoen informazioari eta auditorearen txostenari buruz beharrezkotzat jotako azalpenak. Horri dagokionez, informazio-eskaerak Akziodunen eta Inbertsiogileen Arretarako Bulegora bidali beharko dira, egoitza sozialean, posta elektronikoz, helbide honetara: [accionistas@caf.net](mailto:accionistas@caf.net).

Akziodunaren identifikazio-berme egokiak zaintzeko, informazio-eskaeran izen-abizenak adierazi beharko ditu, eta akzioduna dela eta bere nortasuna egiaztatzen duen dokumentazioaren kopia erantsi beharko du. Pertsona juridikoa izanez gero, akziodunaren ordezkari gisa, informazio-eskubidea erabiltzen ari den pertsona fisikoaren ordezkari-tza-gaitasunak ziurtatzen dituen dokumentuen kopia ere gehitu beharko da.

### **Gai-zerrenda osatzeko eta akordiorako proposamen berriak aurkezteko eskubidea**

Gutxienez kapital sozialaren ehuneko hiru (% 3) ordezkatzeko duten akziodunek Akziodunen Batzar Nagusiaren deialdiaren osagarria argitaratzeko eska dezakete. Bertan, gai-zerrendan, puntu bat edo gehiago sartzeko eska dezakete baldin eta puntu berri horiek

justifikazioarekin edo, dagokionean, justifikatutako akordio-proposamenarekin aurkezten badituzte. Eskubide hori erabili ahal izateko, jakinarazpen fede-emailea erabili beharko da (Administrazio Kontseiluko idazkariari zuzenduta). Aipatutako jakinarazpena deialdi hau argitaratu eta hurrengo bost (5) eguneko epearen baitan jaso beharko dute egoitza sozialean.

Deialdiaren osagarria Batzarra lehen deialdian egiteko zehaztutako data baino hamabost (15) egun lehenago argitaratuko da gutxienez.

Ehuneko hori biltzen duten akziodunek, era berean, aipatutako epe horretan eta jakinarazpena egoitza sozialera bidalita, aurretik bilduta zeuden edo deitutako Batzarreko gai-zerrendan gehitu beharko lirakeen gai-eruzko akordiorako oinarritutako proposamenak aurkeztu ahal izango dituzte.

### **Batzar Nagusira joateko eskubidea**

Batzarrera joateko eskubidea erabiltzearekin lotuta, akziodun jaun-andreei gogorarazten zaie gutxienez mila (1.000) akzioren jabetza egiaztatzen dutenek soilik izango dutela bertara joateko eskubidea Estatutu Sozietateko 7. eta 21. artikuluek xedatutakoa betetz. Kopuru txikiagoa duten akziodunek taldean elkartuta edo mila (1.000) akzio edo akzio gehiago biltzen dituen beste akziodun baten alde eman dezakete haien ordezkaria.

#### **(i) Erregistroa, konexioa eta bertaratzea**

Asistentzia telematikoko sistemen kudeaketa egokia ahalbidetu ahal izateko, Batzarrera joan nahi duen eta horretarako eskubidea duen akziodunak Sozietatearen webgunean horretarako egokitutako plataforma informatikoan erregistratu beharko du ([www.caf.net](http://www.caf.net)). Bertan, bitarteko hauetakoren baten bidez, bere nortasuna egiaztatu beharko du: (i) Nortasun Agiri Nazional elektronikoa; (ii) onartuta dagoen, baliozkoa den eta indarrean dagoen erabiltzailearen ziurtagiri elektronikoa, Ziurtagirien Espainiako Agintaritza Publikoak (CERES), Diruaren eta Zerga-zigiluaren Fabrika Nazionalaren mende dagoenak, igorritakoa eta aplikagarria den araudian aurrez ikusitakoa betetzen duena; edo (iii) akziodunak [accionistas@caf.net](mailto:accionistas@caf.net) posta elektronikoaren helbidean eskatu beharko dituen erabiltzaile/gakoa kredentzialak. Kasu horretan, gaian, “2021eko Batzar Nagusirako kredentzialak eskatzea” zehaztu beharko du.

Telematikoki parte hartuko duen pertsonak bere alde eskuordetzeak balitu edo, pertsona juridiko baten ordezkaria bada, aurreko paragrafoko (iii) puntuan jasotako prozeduraren arabera, erabiltzailearen kredentzialak/gakoa eskatu beharko ditu.

Bertaratutako erregistroa deialdi hau argitaratu eta hurrengo egunetik aurrera egin ahal izango da eta ez da gehiago onartuko 2021eko ekainaren 4ko 12:00etatik aurrera.

Batzar Nagusian modu telematikoan parte hartzeko erregistratu den akziodunak edo haren ordezkariak webgunean konektatu beharko du ([www.caf.net](http://www.caf.net)), 2021eko ekainaren 5ean, 11:30 eta 12:00ak bitartean, eta Sozietatearen webgunean helburu horretarako egokitutako plataforma informatikoaren bidez zehaztutako moduan identifikatu. Batzarra lehen deialdian egin ezingo balitz, hurrengo egunean, ordutegi-tarte berean, konektatu beharko du batzarra bigarren deialdian egin ahal izateko. Aipatutako data eta orduaren ondoren modu telematikoan bertaratzeko konektatzen diren akziodunak ez dira Batzar Nagusian bertaratutakotzat hartuko; dena den, webgune korporatiboaren bidez batzarra jarraitzeko eskubidea izango dute.

Atal honetan aurrez ikusitako helburuetarako, Sozietateak akziodunei edo edozein ordezkariari akziodunak edo ordezkariak direla egiaztatzeko eta botoaren edo eskuordetzearen benetakotasuna bermatzeko egokitzat edo beharrezkotzat jotako edozein identifikazio-bitarteko eskatzeko eskubidea izango du erreserbatuta.

(ii) Esku-hartzea

Aurreko (i) atalean aipatzen den erregistratzeko ekitaldian bertan, eta 2021eko ekainaren 4ko 12:00ak arte, akziodunak edo haren ordezkariak idatziz bidali ahal izango ditu bideratu nahi dituen galderak edo esku-hartzeak. Galderak, azalpenak eta esku-hartzeak Batzar Nagusiaren Araudian eta legean aurrez ikusitakoaren mende egongo dira. Ez dira kontuan hartuko akziodunek edo bitarteko telematikoen bidez bertaratutako gisa erregistratutako, baina Batzarraren egunean deialdi honetan aurrez ikusitako moduan konektatzen ez diren ordezkariak erregistratzeko garaian egindako galderak eta esku-hartzeak.

Batzar Nagusian modu telematikoan parte hartzen duten akziodunek edo ordezkariak, gainera, bertaratutako zerrendako edukiarekin edo Batzar Nagusia eratzeko baldintzak betetzearekin lotuta izan ditzaketen erreserbak jasota utz ditzakete helbide honetara mezu elektronikoa bidalita: [accionistas@caf.net](mailto:accionistas@caf.net).

(iii) Bozketa

Gai-zerrendan jasotako puntuei buruzko proposamenen gaineko botoa, bide telematikotik, Batzar Nagusiko Araudiko 16. artikulua ezarritako moduan egingo da Sozietatearen webgunean helburu horretarako egokitutako plataforma informatikoaren bidez.

Era berean, Legeak xedatutakoa betez gai-zerrendan jasota egotea beharrezkoa ez den gaiei buruzko akordio-proposamenei dagokienez, bitarteko telematikoen bidez bertaratutakoek beren botoak Batzar Nagusiko Araudiko 16. artikulua araberako igorri ahal izango dituzte Batzar Nagusiko idazkariak bozkatu beharreko proposamen horiek irakurtzen dituen unetik aurrera.

(iv) Bilera uztea

Bitarteko telematikoen bidez bertaratutako eta Batzarra utzi nahi duela espresuki adierazten duenak helbide honetara mezu elektronikoa bidalita jakinarazi beharko du: [accionistas@caf.net](mailto:accionistas@caf.net). Bilera uzteko espresuki adierazitako asmoa jakinarazi ondoren, gerora egindako jarduera guztiak egin gabekotzat joko dira.

(v) Beste gai batzuk

Sozietateak ez du bere gain hartuko konexioan egon daitezkeen matxuretatik, gainkargetatik, linea-erorketetatik edo akatsetatik eratorrita, edo antzekoa edo berdina den eta Sozietatearen asmotik kanpo dagoen beste edozein gertaera dela eta akziodunari Batzarrerako asistentzia telematikoko mekanismoak erabiltzea eragozten dion kalteen gaineko erantzukizunik.

## **Batzarra egin aurretik botoa eta ordezkari-tza urrunetik emateko eskubidea**

Hala nahi duten akziodunek beren botoa urrunetik emateko edo beste pertsona batek ordezkatzeko aukera izango dute nahiz eta hura akzioduna ez izan. Horretarako baldintzak Kapitaleko Sozietateen Legean, Estatutu Sozialetako 21, 22 eta 22 bis artikuluetan, Akziodunen Batzar Nagusiaren Araudiko 9, 9 bis eta 12 artikuluetan eta Sozietateak emandako urruneko botorako edo botoa eskuordetzeko formularioetan daude jasota. Zehatzago esanda, urruneko botoa eta botoaren eskuordetzea posta-korrespondentziaren, posta elektronikoaren edo Sozietatearen webgunean helburu horrekin egokitutako plataforma informatikoaren bidez egin ahal izango da ([www.caf.net](http://www.caf.net)).

Balioa izan dezan, aurreko atalak xedatutakoa betez bidalitako boto-eskuordetzea edo urruneko botoa Batzar Nagusia lehen deialdian egiteko aurrez ikusitako data eta ordua baino hogeita lau (24) ordu lehenago jaso beharko dira gutxienez.

Batzarra eratzeko garaia, urruneko botoa ematen duten akziodunak bertaratu gisa hartuko dira kontuan.

Akzioduna Batzar Nagusira bertaratzeak edozein bitartekoren bidez aurrez emandako ordezkari-tza eta botoa baliogabetzeko balioa izango du.

### A) Boto-eskuordetzea eta urruneko botoa posta arruntez edo posta elektronikoz

Urruneko botoa edo boto-eskuordetzea posta-korrespondentzia edo posta elektronikoz bidez erabili nahi duten akziodunek Sozietateari bidali beharko dizkiote azken horrek haien esku jartzen dituen formularioak (gero-geago dago zehaztuta modua). Formularioak behar bezala beteta bidali beharko dituzte posta arruntez edo posta elektronikoz bidez horietan jasotako jarraibideen arabera.

Bestela, akzioen gordailuzaina den erakundeak edo Sociedad de Gestión de los Sistemas de Registro, Compensación y Liquidación de Valores SA Unipersonal (IBERCLEAR) sozietateko partaide den erakunderen batek igorritako botoa eskuordetzeko edo urruneko botoa emateko formularioak erabili ahal izango dira. Formulario horiek posta arruntez bidali behar izanez gero, ziurtatutako posta erabili beharko da hartu-agiriarekin, eta behar bezala beteta egon beharko dute formularioari erantsitako jarraibideetan ezarritakoaren arabera. Paragrafo honek aipatzen dituen formulario alternatiboetan aurrez ikusita ez dagoen guztian, Sozietateak akziodunen esku jarritako formularioetan aurrez ikusitako arau orokorrak aplikatuko dira.

Sozietateak akziodunen esku jarritako urruneko botoaren formularioa eta botoa eskuordetzeko formularioa etenik gabe egongo dira argitaratuta webgune korporatiboan ([www.caf.net](http://www.caf.net)), deialdi hau argitaratzen den unetik.

### B) Webgunean egokitutako plataforma informatikoaren bidez urruneko botoa ematea eta botoa eskuordetzea

Beren ordezkari-tza eman edo botoa Akziodunen Batzar Nagusia egin aurretik igorri nahi duten akziodunek, gainera, horretarako aukera izango dute webgune korporatibora ([www.caf.net](http://www.caf.net)) sartuta eta bertatik eginda. Deialdi hau argitaratzen den hurrengo egunetik hasita egin ahal izango dute hori Sozietatek helburu horietarako egokitutako plataformaren bidez. Horretarako, beren nortasuna egiaztatu beharko dute bitarteko

hauetakoren baten bidez: (i) Nortasun Agiri Nazional elektronikoa; (ii) onartuta dagoen, baliozkoa den eta indarrean dagoen erabiltzailearen ziurtagiri elektronikoa, Ziurtagirien Espainiako Agintaritza Publikoak (CERES), Diruaren eta Zerga-zigiluaren Fabrika Nazionalaren mende dagoenak, igorritakoa eta aplikagarria den araudian aurrez ikusitakoa betetzen duena; edo (iii) akziodunak [accionistas@caf.net](mailto:accionistas@caf.net) posta elektronikoa helbidean eskatu beharko dituen erabiltzailea/gakoa kredentzialak. Kasu horretan, gaian, “2021eko Batzar Nagusirako kredentzialak eskatzea” zehaztu beharko du.

### **Akziodunen gunea**

Sozietatearen webgunean ([www.caf.net](http://www.caf.net)) dago Batzar Nagusi honetarako gaituta akziodunen Gune Elektronikoa. Banakako akziodunek zein, indarrean dagoen araudiaren arabera, hura era dezaketen borondatezko elkarteek izango dute sarbidea berme egokiekkin, Akziodunen Batzar Nagusia egin aurretik elkarren arteko komunikazioa errazteko asmoz. Akziodunen Gune Elektronikoaren araudia akziodunentzat eskuragarri dago Sozietatearen webgunean ([www.caf.net](http://www.caf.net)).

### **Informazio orokorra**

- Asistentzia telematikoko, botoa eskuordetzeko eta urruneko botoarako eskubideak erabili ahal izateko, akziodunek Kontuko Idazpenen Erregistroan beren izenean inskribatuta izan beharko dituzte akzioak Batzar Nagusia egingo den eguna baino bost (5) egun lehenago.
- Izaera Pertsonaleko Datuak Babesteko Pribatutasun Politika akziodunen esku dago botoa eskuordetzeko formularioan eta urruneko botoarekin lotutako formularioan. Horiek guztiak webgune korporatiboan daude argitaratuta.
- Aurrez ikusitakoaren arabera, Batzarra lehen deialdian egingo da.
- Dokumentazioaren doako bidalketaren, azterketaren edo entregaren inguruko azalpenak, informazio osagarria edo deialdi honekin eta Batzar Nagusia egitearekin lotutako beste edozein gairekin lotutako edozein gairi buruzko informazioa eskuratu ahal izateko, akziodunek Akziodunaren eta Inbertsiogileen Arreta Bulegora jo ahal izango dute honako hauen bidez:

1. Telefonoa: 943.18.92.62, lanegunetan eta laneko ordutegian.
2. Posta elektronikoko helbidea: [accionistas@caf.net](mailto:accionistas@caf.net).

**Beasainen, 2021eko apirilaren 30ean**

**Marta Baztarrica Lizarbe andrea**

**Administrazio Kontseiluko kontseilari idazkaria**